

Faruk Selmanović

Zastupnik u Skupštini Kantona Sarajevo

Kanton Sarajevo

Skupština Kantona Sarajevo

n/r predsjedavajući Skupštine Kantona Sarajevo

Uputiti: Škupštini Kantona Sarajevo

PREDMET: INICIJATIVA

Poštovani,

Na osnovu člana 213. Poslovnika Skupštine Kantona Sarajevo ("Službene novine Kantona Sarajevo", broj: 41/12, 15/13, 47/13, 47/15, 48/16), upućujem inicijativu Skupštini Kantona Sarajevo:

„Obavezuje se Ministarstvo za odgoj i obrazovanje Kantona Sarajevo da donese uputstvo, instrukciju ili drugi akt kojim će svim odgojno-obrazovnim ustanovama iz svoje nadležnosti dati jasne i precizne upute za postupanje u slučaju zahtjeva učenika za ostvarivanjem prava na ispovijedanje vjere i uvjerenja kroz obavljanje vjerskog obreda džuma namaza i to na način kojim se neće ugroziti redovno odvijanje nastavnog procesa“.

Obrazloženje

U vezi sa sistemskom diskriminacijom djece bošnjačke nacionalnosti koja se provodi u nekim školama u Kantonu Sarajevo, a koja se manifestuje kroz uskraćivanje, ograničavanje ili uslovljavanje uživanja temeljnog ljudskog prava-prava ispovijedanja vjere i uvjerenja, predlažem da Ministarstvo za odgoj i obrazovanje Kantona Sarajevo donese uputstvo, instrukciju ili drugi akt kojim će ostvarivanje ovog prava urediti na sistemski način i u skladu sa zakonom.

U nekim srednjim školama učenicima bošnjačke nacionalnosti potpuno se uskraćuje, značajno ograničava ili uslovljava pravo da, u skladu sa Zakonom slobodi vjere i pravnom položaju crkava i vjerskih zajednica u Bosni i Hercegovini („Službeni glasnik BiH“ broj: 5/04) i Zakonom o odgoju i obrazovanju u osnovnoj i srednjoj školi u Kantonu Sarajevo („Službene

novine Kantona Sarajevo“ broj: 27/24) uživaju temeljno ljudsko pravo-pravo na slobodu vjere i uvjerenja. S obzirom da su roditelji učenika u proteklom periodu zahtijevali od Ministarstva da se njihovoj djeci omogući ispoljavanje vjere i uvjerenja obavljanjem vjerskog obreda džuma namaza koji predstavlja strogu vjersku obavezu svakog muslimana, nameće se potreba da Ministarstvo za odgoj i obrazovanje svim školama uputi odgovarajući akt sa jasnim i preciznim smjernicama za ostvarivanje ovog prava.

Pravo na ispovijedanje vjere i uvjerenje zagantovano je Ustavom BiH, Ustavom Kanton Sarajevo, međunarodnim konvencijama o ljudskim pravima i slobodama, ali i Zakonom o odgoju i obrazovanju u osnovnoj i srednjoj školi u Kantonu Sarajevo. Također, ovo pravo je propisano Zakonom slobodi vjere i pravnom položaju crkava i vjerskih zajednica u Bosni i Hercegovini sa kojim moraju biti usklađeni svi drugi zakoni.

Članom 3. stav (1) Zakona slobodi vjere i pravnom položaju crkava i vjerskih zajednica u Bosni i Hercegovini propisano je da se isti primjenjuje na cijeloj teritoriji Bosne i Hercegovine, kao i da **svi ostali zakoni i propisi u ovoj oblasti moraju biti usklađeni s odredbama ovog zakona. Ovim Zakonom propisana je i obaveza kantona da prilikom donošenja i u primjeni propisa iz svoje nadležnosti, osiguraju pravo na slobodu uživanja i ispovijedanja vjere i zabrane svake diskriminacije zasnovane na vjeri ili drugom uvjerenju.**

Prema Zakonu o organizaciji organa uprave u Federaciji BiH ministrica snosi odgovornost za poštivanje propisa i za stanje u oblasti za koju je Ministarstvo kojim rukovodi osnovano. U tom smislu, ministrica ima i direktnu odgovornost da osigura poštovanje Zakona slobodi vjere i pravnom položaju crkava i vjerskih zajednica u Bosni i Hercegovini i Zakona o odgoju i obrazovanju u osnovnoj i srednjoj školi u Kantonu Sarajevo. S tim u vezi podnosim inicijativu da Skupština Kantona Sarajevo obaveže Ministarstvo za odgoj i obrazovanje da u okviru svoje nadležnosti sistemski i u skladu sa zakonskim propisima konačno riješi ovo pitanje.

S poštovanjem,

Faruk Selmanović, Zastupnik u Skupštini Kantona Sarajevo